

Inuussutissarsiutigalugu aalisartunut piniartunullu umiatsiaararsinissamut angallatinissamullu tapiiffigitittalernissaat anguniarlugu inuussutissarsiutigalugu aalisartut piniartullu siuarsarnissaanut inatsit Naalakkersuisut allannguutissaanik siunnersuuteqarnissaat pillugu oqallisissiaq.

(Inatsisartunut ilaasortaq Jens Napâtôk, Naleraq)

Akissuteqaat

(Kim Kielsen, Aalisarnermut Piniarnermullu Naalakkersuisoq)

Ilaasortaq Jens Napâtôk, Naleraq Inuussutissarsiutigalugu aalisartunut piniartunullu umiatsiaararsinissamut angallatinissamullu tapiiffigitittalernissaat anguniarlugu inuussutissarsiutigalugu aalisartut piniartullu siuarsarnissaanut inatsit Naalakkersuisut allannguutissaanik siunnersuuteqarnissaat pillugu apequteqaat tunngavigalugu oqallisissiamik saqqummiineranik qutsavigaara.

Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut inatsisaani nr. 13, 3. december 2012-imeersumi taarsigassarsisitsinissamut piunasaqaatit assigiinngitsut allaqqapput. Inuussutissarsiutigalugu angallatinik aalisariutinik pisinermit taarsigassarsisitsisoqarsinnaangilaq. Inatsisartut Inatsisaat malillugu inuussutissarsiutit siuarsarniarlugit aalisariutinut taarsigassarsisitsisinnaapput matuma kinguliini taaneqartut siunertarineqarpata:

- 1) Aalisariut allanngortiteriniarneqarlunilu iluarsaanniarneparpat.
- 2) Pisineq, iluarsaassinerit annertuut motoorinillu taarsiinerit.
- 3) Sillimanissamut atortunik pissarsiniartoqarpat.
- 4) Teknikkikkut atortunik allanik pissarsiniartoqarpat.
- 5) Aalisarnermut atortunik ingerlatsinermilu atortunik taamaaqataannik pissarsiniartoqarpat.

Konto pingarneq 51.07.40-mi aningaasanik killeqartorujussuarmik ukiuni kingullerni aningaasaliisoqartarnikuuvoq. Taamaalilluni aningaasaliissutit pingaartumik inuussutissarsiutigalugu umiatsiaaqqanik pisinernut tapiissutitut atornerqarnerusarnikuullutik. Siunissami inuussutissarsiutigalugu aalisariutinik pisiniarnermut inuussutissarsiutinik siuarsaaneqarnit taarsigassarsisitsisoqarsinnaassappat Inatsisartut inatsisaat allanngortinneqassaaq, tamassumalu kingunerissavaa siunertamut annertunerusunik aningaasaliinissamik pisariaqartitsineq pillugu apequtip isummerfigineqarnissaa.

Inuussutissarsiutigalugu aalisariummik aammalu inuussutissarsiutigalugu umiatsiaaqqamik pisinermut tapiinissamut ullumikkut allanik marlunnik periarfissaqarpoq:

Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut inatsisissaat nr. 13, 3. december 2012-imeersoq naapertorlugu inuussutissarsiutigalugu umiatsiaaqqamik pisinermi aningaasat tamarmiusut 75%-ii tikillugit tapiisoqarsinnaavoq. Ilanngullugu Qaanaami, Kujataani Tunumiluunniit najugaqartunut pisinermi aningaasat tamarmiusut 84%-ii tikillugit tapiisoqarsinnaavoq.

Aalisarnermik aningaasalersuinermit aningaasat pillugit Inatsisartut inatsisaat nr. 15, 20. november 2006-imeersoq kingusinnerusukkut allanngortinneqartoq naapertorlugu inuussutissarsiutigalugu aalisariummik pisinermi aningaasat tamarmiusut 40%-ii tikillugit tapiisoqarsinnaavoq. Tamassuma pisinermi akianik aningaasalersuinermit

Inuussutissarsiutigalugu aalisariutip akiata 60%-ia aalisartup nammineq isumagissavaa. Siunertamut konto pingaarneq 50.06.50-imi aningaasaliisoqartarpoq.

Naalackersuisut Inatsisartut inatsisaat aalisartunut piniartunullu taarsigassarsisitsinerit tapiissutillu pillugit aalajangersakkanik imaqartut tamaasa Naalackersuisut ataatsimoortillugit allannerat 2025-imi saqqummiunneqartussanngorlugu maannakkut ingerlappaat.

Apeqquteqaat tunngavigalugu oqallinnermi uani Naalackersuisut inatsisissatut siunnersuummik suliaqaqqinnermi atorsinnaasaannik kinguneqartussamik oqallittoqarnissaa siunnersuuteqartoqarnissaalu kissaatiginarpoq.

Tamatut oqaaseqarlunga Inatsisartut oqallilluarnissaannik kissaappakka.